



Comunu de Quartu Sant'Aleni



“Melodie e balli d’autunno in piazza” portat a Quartu sa moda e sa mùsica de su sèculu passau

In una pratza IV Novembre sèmpiri prus bia, sèmpiri prus animada cun abritius chi faint cresci sa socialidadi e is cuncàmbius intra generatzionis, totu est parau po fai partiri sa tapa noa de sa rassinnedda “Melodie e balli d’autunno in piazza”. Tapa noa in sa ex pratza de is argiolas chi, de s’obertura de su Centru Sòcio-Educativu est mudendisì torra in unu logu de atòbiu, cosa gia bia in unu tempus chi est passau, ma non de meda.

Ant incarrerau is pippius cun unu mercadeddu e ant sighiu is cantadoris, siat de innoi, chi de àterus Comunu de su Campidanu. Una atividadi chi ingrèghiat geni meda in Quartu chi stimat s’abilidadi a cantai a bolu e a “contai” de is sfidantis.

Cenàbara 8 de onniasantu, a partiri de is 16:30, nc'at a essi s'ùltimu atòbiu. Unu viàgiu in sa mùsica e in sa moda, de is annus '50 a is '80. E chini at a bolli at a podi bessiri protagonista, ammostendisì bistiu cumentu a cussus annus in su “red carpet”. At a bastai a si bistiri cumentu a cussus tempus e a si presentai in sa pratza prontu po sfilai. Unu modu po si spassiai, ma po connosci puru genti noa e si fai amigus nous in Quartu.

Sa rassinna est posta in paris de su Centru Sòcio-Educativu intrageneratzionali e de Educativa di strada, bòfius de su Comune e diventaus realtadi firma in citadi cun una atividadi fissa portada a inantis de s'Assessorau a is Servìtzius Socialis e a is Polìticas Generatzionalis.

